



Sermon  
Kxf. Dr. Numlaajtsheb Yaaj

**“Ua Li No Nco Ntsoov Kuv”**

Memorial Day  
Our Savior Lutheran Church  
5-25-14

Thov txoj koob txojhmoov thiab txojkev kajsiab lug pub rau sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**1 Corinthians 11:24** “and when he had given thanks, he broke it and said, “This is my body, which is for you; do this in remembrance of me – *thiab thaum Nws ua tsaug tag, Nws muab ntais thiab muab rau cov thwjtim thiab haistias: “Txais noj, nov yog Kuv lub cev, uas muab rau nej. Ua li no nco ntsoov Kuv.”*” (Cross reference – Khiavdim 28:12, 1 Kaulethaus 11:23, 25)

Illustration “Remembering” (Show 3 old ladies)



Muaj ib zaj dabneeg qhia txog peb tus pojniam uas laus laus lawm nyob uake. Ibtug sawv mus pws, thaus nws nce mus txog ibnrab ntaiv xwb nws nres thiab tig los nug haistias, “Puas yog kuv mus sab saud losyog nqis rau sab hauv?” Ibtug teb muaj ntsiv nyaum haistias, “Koj mus sab saud thiab mus pw.” Muaj dua ibtug nqis mus rau ntawm lub tsev ua mov thiab mus ua ib daim ncuav rau nws noj. Thaus nws mus txog ntawm lub tsev ua mov lawm nws tig hu rau nws tus vivncaus uas tseem nyob sab hauv tias, “Kuv los dabtsi rau hauv no? Tus

vivncaus teb nyaum ntsuav tias, “Koj mus rau ntawm tsev ua mov noj yog mus ua ib daim ncuav rau koj noj.” Thaum nws hais li no tag, nws hais rau nws tus kheej haistias, “Kuv zoo siab haistias, kuv tsis hnov qab li neb,” tiamsis thaum nws tabtom xav li no nws tsoo lub rooj ua ib qhov nrov nrawj nrawj. Nws sawv mus qhib lub hauv rooj thiab nug haistias, “Leejtwg tuaj os?” Peb yog tibneeg peb hnov qab heev rau ntau yam. Tsis yog cov tibneeg laus xwb thiaj li tsis feeb meej. Cov menyuum, cov hluas, thiab cov laus los puav leej yeej muaj qhov kev tsis nco qab lawm. Yog li ntawd peb thiaj li muab ntau yam los ua kom peb nco haistias peb yuav ua dabtsi: (Muab hluag khi peb tej ntv tes, muab tej daim ntawv sau los lub tubees, sau rau peb daim ntawv qhia cov hnuv thiab hli, thiab muab sau rau peb lub xovtooj tuav ntawm tes kom peb tsis txhob hnov qab txog tej yam tseemceeb.

- I. Hnub no yog “Memorial Day – Hnub Nco Txog,” peb yuavtsum tsis txhob hnov qab cov uas tau ua tubrog uas yog siv lawv txojhia los tivthaiv lub teb lub chaw. Thaum uas muaj teebmeem peb cov tubrog, (Show branches of military)



Ntawm the Navy, Air Force, Marines, Army, and Coast Guard los mus tivthaiv lub teb lub chaw kom pejxeem thiaj li muaj kev kajsiab. Hnub Monday (lub limtiam ib) yog hnub uas peb nco txog cov tubrog tebchaw Asmesliskas los tivthaiv lub

tebchaws. Tibneeg feem coob tsis totaub txog Arm Forces Day, Memorial Day and Veteran Day? Kuv yuav qhia kom nej totaub txog tias peb lub koobtsheej nco txog cov tubrog yog zoo li cas. [\(Show Arm Forces Day\)](#)



**Arm Forces Day** you ua koobtsheej rau lub limtiam thib peb ntwam lub tsib hli ntuj. Nyob rau lub 8 hli xyoo 1949, Secretary of Defense Louis Johnson tsim lub koob tsheej Armed Forces Day los mus hloov Army, Navy, thiab Air Force hnuv kom tsua muaj tib hnuv ua koobtsheej nco txog cov tubrog xwb thiaj li tsi muaj ntau lub hnuv los mus sib cuamtshuam. Yog li ntwam ib hnuv thiaj li los ua Tubrog hnuv nyob rau the Department of Defense ua lub saib xyua

tagnrho txhua pab tubrog. Hnuv no yog tseg ua koobtsheej rau cov tubrog uas tseem ua dejnum ua tubrog tsi tau los ua pejxeem. [\(Show Memorial Day\)](#)



**Memorial Day** yog xub hu ua Decoration Day thiab Memorial Day yog nomtswv lub koobtsheej pub rau tibneeg so ntwam txojkev ua haujlwm. Peb coob tug feem ntau nco lub koobtsheej rau hnuv 30 ntwam lub Tsib Hli Ntuj. Cov tsev kawm ntawv los kaw, tej khw los kaw thiab txhua lub zos ua koobtsheej nco txog. Tej txiag zeb ntwam tej tojntxa los muab chij mus tso rau ua kev nco txog cov tubrog uas tau tag simneej lawm vim lawv siv lawv txojkia los tithaiv lub

teb lub chaw. Memorial Day xub siv rau xyoo 1882, tiamsis lub koobtsheej uas nomtswv tsocai yog tomqab World War II thiab yog lub koobtsheej tseeb rau xyoo 1967 los ntwam nomtswv txojkev tsocai. [\(Show Veterans Day\)](#)



**Veterans Day** yog lub koobtsheej ntwam United States hnuv so yog ua los hwm txog cov tibneeg uas tau ua “veterans – tubrog” los lawm. Hnov yog nomtswv lub koobtsheej so rau lub 11 hli hnuv 11. Hnov kuj zoo ibyam li li Armistic Day and Remembrance Day, uas lwm lub tebchaw puavleej ua koobtsheej nco txog txojkev ua rog rau World War I xaus lawm. Kev ua rog rau World War I xau rau


thaum 11 teev hnuv 11 thiab lub 11 hli xyoo 1918. Tsis txhob totaub yuamkev ntwam Veterans Day rau Memorial Day; Veterans Day yog ua koobtsheej nco txog tagnrho Asmesliskas cov tubrog ho Memorial Day yog nco txog cov tubrog uas tau tag simneej lawm. (From Wikipedia, the free encyclopedia)

II. Hnuv no peb ua koobtsheej Memorial Day. [\(Show remember those who served\)](#)



Yog peb nco txog thiab hwm txog cov tubrog uas tau siv lawv tej roj ntshav los tivthaiv lub tebchaws es lub

tebhaws Asmesliksas thiaj li muaj kev ywjpheej thajyeeb li niaj hnuv no. Yog li ntaud peb yuavtsum nco txog cov tubrog uas “All Gave Some, Some Gave All – ibtxhia muab ib cov, ibtxhia muab tagrho.” Vim haistias cov txivneej thiab pojniam uas tau tuag vim yog ua tubrog los tivthaiv lub teb lub chaw. Niaj hnuv nimno peb thiaj li muaj kev ywjpheej los mus qhia Txojmoozoo ntawm kev ywjpheej. Peb thiaj li muaj kev thajyeeb ua neej nyob tsi muaj yeebncuab tuaj tsimtxom peb lub vaj lub tsev. Peb muaj kev ywjpheej los mus ua lub neej raws li peb txojkev ntshaw kom peb tau txojkev kajsiaib lug. Peb ua tsaug rau cov uas tau tag simneej lawm vim yog lawv peb thiaj li muaj “Freedom – Kev Ywjpheej.” Cia peb nco txog cov uas tau tag simneej rau txojkev liberty, justice, and freedom. Peb yuavtsum nco ntsoov txog tus uas tso peb dim ntawm sab ntsujplig uas yuav muab peb khi mus rau ntuj ntawg teb ib txhis. Yexus los kovyeej txojkev tuag ntawm tubtuag teb los tso peb dim ntawm nws lub npe uas dawbhuv peb thiaj li tau txojkev muaj yeej lawm tiag. Kuv yuav hais mentsi txog ntiajteb txojkev hnuv nco txog ntawm Memorial Day thiab ntawm Yexus Khetos. (Show do this in remembrance of me)



Tus Thwjtim Paulus sau nws tsabntawv thib ib mus rau haiv tibneeg Kauleethaus ua kev nco txog tias thaum Yexus muab Nws roojmov rau cov thwjtim noj Yexus haistias, “and when he had given thanks, he broke it and said, *“This is my body, which is for you; do this in remembrance of me -* Nws muab ntais thiab muab rau cov thwjtim thiab haistias: *“Txais noj, nov yog Kuv + lub cev, uas muab rau nej. Ua li no nco ntsoov Kuv.”* (1 Kauleethaus 11:24) Yexus Khetos

xav kom peb nco txog dabtsi? Nej pestsawg tus tsua xav haistias peb tsua yog ua kev nco txog nws lub cev thiab cov ntshav thaum peb mus txais tus Tswv Roojmov xwb? Qhov tseeb tiag peb tsis yog nco txog qhov tseeb ntawm peb tus Tswv lub cev thiab cov ntshav rau hnuv so thaum mus noj nws Roojmov xwb tiamsis peb yuavtsum nco ntsoov txog nws txhua hnuv hauv peb lub neej vim peb yog nws cov tubtxib. Nyob rau ntiajteb peb tsua ua koobtsheej nco txog Memorial Day ib hnuv ntawm ib xyoo los nco txog cov tubrog tau tag simneej los ntawm lawv siv lawv txojhia los tivthaiv lub teb lub chaw. Tiamsis peb nco ntsoov txog Yexus Khetos txhua hnuv vim nws los theej ntiajteb lub txim tso peb dim ntawm txojkev tuag, kev txhaum thiab dabntxwngnyoog lub hwjchim peb thiaj li tau txojhia mus ibtxhis thiab ibtxhis.

Ntiajteb nco txog Memorial Day – quaj nco txog tus uas lawv hluab thiab movtshua txog lawv lub neej thiab ua lawv tsaug los ntawm lawv txojkev theej txhoj uas yog tivthaiv lub teb lub chaw. Peb nco txog lawv kawg nkaus thiab peb xav kom lawv nrog peb nyob, nrog peb noj, nrog peb haus, thiab tseem nrog peb tham li lub neej qub luag ntxwb ntxhis. Tiamsis vim txojkev tuag, peb yuav ua tsis tau thiab yuav tsis muaj tej ntaud ntiv li lawm. Peb tsua nco txog lawv qhuav qhuav lawv xwb.

(Show Headstone)



Tibneeg tej txiagzeb ntawm lawv lub ntxa qhia tau mentsis rau peb tibneeg tias tus uas peb hluab thiab movtshua lub neej zoo li cas thaum nws tseem ua neej nyob. Cia kuv muab ib cov ntawv sau ntawm lawv tej txiagzeb hais qhia rau nej zoo li no:

“Gone So Soon, Beloved Sons, Beloved Mother, Safe in the Arms of Jesus, Faithful Unto Death, Gone But Not Forgotten, Life’s Work Well Done She Rest in Peace, and Age 64, 7 months, 9 days At Rest.” Txhuayam no qhia txog tus tibneeg thaum nws tseem ua neej nyob.


- III. Zoo ibyam li no thiab thaus Yexus los rau lub ntiaj teb thiab los ua txhuayam kom tibneeg rov tau txoj sia. Yexus hais kom peb nco ntsoov thaum nws haistias, “*Txais noj, nov yog Kuv + lub cev, uas muab rau nej. Ua li no nco ntsoov Kuv.*” (1 Kaulethaus 11:24). Yog li ntawd peb yuav nco txog Yexus yog nco txog dabtsi tiag? Peb yuavtsum nco txog tias Vajtswv hlub tibneeg ntiaj teb uas muaj kev txhaum, Nws tso Nws tus Tub los hloov peb lub chaw kom peb dim ntawm dab lub hwjchim. Thaum Yexus los, Nws los qhia kom peb muaj kev sis hlub, muaj lub siab hlub rau lwmtus, ua zoo rau lwmtus thiab yuavtsum ntseeg thiab cia siab rau Yexus, peb thiaj li yuav tau txoj sia mus ibtxhis. Yog li ntawd Paulus thiaj li sau tibyam txog Yexus cov ntshav tias, “*Ua ib yam li ntawd thiab tom qab noj hmo tag, Nws muab tau lub khob los, thiab thaum Nws ua tsaug tag, Nws muab rau lawv thiab haistias: “Haus, nej txhuatus, nov yog Kuv + cov ntshav ntawm txoj lus cogtseg tshiab, uas tau ntws los rau nej, zamtxim rau kev txhaum. Haus ntau zaus, ua li no nco ntsoov Kuv.”* (1 Kaulethaus 11:25-26) Koj thiab kuv yuavtsum nco ntsoov Yexus txoj kev hlub txhua hnuv mus txog hnuv uas nws los koj koj mus nrog nws nyob saum ntuj ceebtsheej uas yog tau txoj sia mus ibtxhis thiab ibtxhis. Lub Memorial Day no, koj nco ntsoov tias koj tus Cawmseej los muab txoj kev zamtxim rau koj los ntawm Nws lub npe.

Cia peb saib video clip of President Ronald Reagan hais lus hnuv Memorial Day. [\(Show video - Ronald Reagan memorial tribute. Freedom Liberty – YouTube\)](#)



Ronald Reagan memorial tribute. Freedom Liberty - YouTube 3.15 Min.mp4

Cov kwvtij hlub thiab movtshua ntawm Tswv Yexus Khetos lub npe. Cov ntseeg thaum ub raug kev tsimtxom thiab tuag, koj thaj li muaj kev ywjpheej los mus hawm Tswv Yexus Khetos. [\(Show remembrance of Christ suffering for you\)](#)



Peb cov txivneej thiab pojniam uas tau siv lawv txoj sia los tivthaiv lub teb lub chaws kom peb muaj kev ywjpheej. Cia peb nco ntsoov txog lawv tej txiajntsim uas lawv tau ua rau peb kom peb muaj “Freedom – Kev Ywjpheej.” Cia peb nco ntsoov tias Vajtswv txib Nws tus Tub los theej thiab txhiv peb lub txim saum tus ntoo khaublig kom peb dim ntawm txoj kev txhaum, kev tuag thiab dab lub hwjchim. Cia li ntseeg thiab cia siab rau tus Tswv Cawmseej Yexus Khetos, vim koj tau

txoj sia. Yog li ntawd, nco ntsoov nws txoj kev hlub mus ibtxhis thiab ibtxhis. Asmees. Thov kom Vajtswv Txoj lus pub rau peb sawvdaws totaub thiab tau nyob kajsiaib lug. Peb txhua tus uas yog Vajtswv cov menyuam peb sawvdaws hais: Asmees.